

Aalisarsinnaanermut akuersissutit pisassiissutillu pillugit Namminersorlutik Oqartussat nalunaarutaat

Aalisarneq pillugu Inatsisartut inatsisaanni nr. 29, 23. maj 2024-meersumi § 6, imm. 3, § 7, imm. 1, § 12, § 14, imm. 1, § 15, § 18, imm. 2, § 23, § 24, imm. 1, § 25, imm. 3, imm. oqaaseqatigiit aappaat aamma § 68, imm. 2 aamma 3, naapertorlugit makkua aalajangersarneqarput:

Kapitali 1 *Atuuffissaatillu*

Atuuffii

- § 1.** Nalunaarut atorneqassaaq inuussutissarsiutigalugu aalisarneq pineqartillugu:
- 1) angallatit Kalaallit Nunaanni nalunaarsorsimasut,
 - 2) qimussit,
 - 3) angallatit nunanit allaneersut atorlugit Kalaallit Nunaata aalisarnikkut oqartussaaffigisaani aalisarnermi aamma
 - 4) angallatit nunanit allaneersut kalaallit pisassiissutaannik Kalaallit Nunaata aalisarnikkut oqartussaaffigisaata avataani aalisartut.

Imm. 2. Nalunaarut tamatuma saniatigut atorneqassaaq, saarullinnik inuussutissarsiutiginagu aalisarnermi tunisinissamut akuersissummik peqartunut, § 25 naapertorlugu.

Nassuaatit

- § 2.** Nalunaarummi uani uku pineqarput:
- 1) "Aalisarneq pillugu inatsit": Aalisarneq pillugu Inatsisartut inatsisaat qaqugukkulluunniit atuuttoq.
 - 2) "Kalaallit Nunaata aalisarnikkut oqartussaaffigisaa": Kalaallit Nunaata kisimiilluni aalisarnikkut oqartussaaffigisaa, Kalaallit Nunaata kisimiilluni aningaasarsiornikkut oqartussaaffigisaa aamma Kalaallit Nunaata imartaq oqartussaaffigisaa pillugu Kunngip peqqussutai sukkulluunniit atuuttut naapertorlugit aalajangersagaavoq.
 - 3) "Tunngaviusumik killeqarfik": Tunngaviusumik killeqarfiit, Kalaallit Nunaata kisimiilluni aningaasarsiornikkut oqartussaaffigisaa pillugu Statsministereqarfiup nalunaarutaani aalajangersakkat.
 - 4) "Kitaa": Kalaallit Nunaata aalisarnikkut oqartussaaffigisaata ilaa, tassunga kangerluit ilaasut ilanngullugit, avannarpasissutsip 59°-ip avannaani, kippasissutsip 44°-p kitaani aamma avannarpasissutsip 59°-ip kujataani, kippasissutsip 42°-p kitaani inisisimasoq.
 - 5) "Tunu": Kalaallit Nunaata aalisarnikkut oqartussaaffigisaata ilaa, tassunga kangerluit ilaasut ilanngullugit, avannarpasissutsip 59°-ip avannaani, kippasissutsip 44°-p kangiani aamma avannarpasissutsip 59°-ip kujataani, kippasissutsip 42°-p kangiani inisisimasoq.

- 6) "Avataasiorluni aalisarneq": Kalaallit Nunaata aalisarnermut oqartussaaffigisaani tunngaviusumik killeqarfiaita avataani 3 sømilip avataani aalisarneq.
- 7) "Sinerissap qanittuani aalisarneq": Kalaallit Nunaata aalisarnermut oqartussaaffigisaani tunngaviusumik killeqarfiaita avataani 3 ømil tikillugu aalisarneq.
- 8) Uuttuut "BT": Usisinnaasaq tamakkiisoq. Angallatip tonsinngorlugu usisinnaasaanut uuttuut pillugu allakkani taaneqartoq, angallatip usisinnaasaanut tamakkiisumut nalunaarsuinermi atorneqartarpooq.
- 9) Uuttuut "a.t.t.": Angallatip tamakkiisumik takissusaa, angallatip isorpiaaniit aqorpiaanut qeqqa atuarlugu uuttortarneqartoq (angallatip tamakkiisumik takissusaa).
- 10) "Tunisisussaatitaaneq": Akuersissummut piumasaqaatit, pisat amerlassusaannik aalajangiisuuusut, Kalaallit Nunaanni nunami suliffissuarmut suliareqqinnejarsimanatik tunineqassapput.
- 11) "Suliareqqiisarneq": Pisanik suliariinnineq tamarmi, saliineq, niaquiaaneq sikulersuinerlu ilanngunnagit.
- 12) "Taamaaqataanik akuersissut": Aalisagaqtigiinnut assigiinnut aalisariutinullu assigiinnut, avataani imaluunniit sinerissap qanittuani aalisartut, aalisarnissamut akuersissut.
- 13) "Ingerlatsisut nutaat": Aalisartut, tassaasinhaapput inuit imaluunniit inatsisitigut pisinnaatitaasut inuit, aalisarnissamut qinnuteqarfingineqartumut taamaaqataanik akuersissummik ukiumi ullorsiuteqarfiusumi siuliani peqarnikuunngitsut.
- 14) "Angallat": Angallat 6 meter a.t.t.-mit anginerusoq, angallat 6 meter a.t.t.-itut takitigisoq naannerusorluunniit, ATV, qamutit, qamuteralaat imaluunniit motoorillit aalisarnermi atorneqartut.
- 15) "Attartornissamik isumaqtigiissut": Angallammik attartornissaq pillugu isumaqtigiissut, inuttaqartillugu (nalunaaquttap akunnikkaartumik attartorneq) imaluunniit inuttaqartinnagu (marloqiusamik nalunaarsukkamik attartorneq), piffissami aalajangersimasumi aalajangersimasumik aalisarnermut atugassaq.
- 16) "Inuussutissarsiutigalugu aalisarneq": Pisat tamarmiusut taakkualuunniit ilaasa tunineqarnissaat siunertaralugu aalisarneq.
- 17) "Inuussutissarsiutiginagu aalisarneq": Pisat nammineq atorneqarnissaat siunertaralugu aalisarneq.
- 18) "Aqutsiveqarfik 47": Imartaq Kalaallit Nunaata Kitaani tunngaviusumik killeqarfipiup 3 ømilit tungaanut iluaniittoq, kujammut avannarpasissuseq 68°30'-mi avannamullu avannarpasissuseq 75°00'-imi taakkualu kangerluttaanni killeqartinneqartoq (Qeqertarsuup Tunua kiisalu Uummannaq sullua, aamma Upernaviup eqqaa).
- 19) "PNNP-mik aaqqissuussaq": Aqtsiffik aalisarnermut inatsimmi kapitali 7-imi pineqartoq.
- 20) "Paggatassiineq": Pisarineqarsinnaasunit tamarmiusunit (TAC) aalajangersaaffigineqarsimasunik aalisarneq, ingerlataqartunulli ataatsiakkaanut pisassat amerlanerpaaffilerneqarsimanngitsut.

Imm. 2. Tamatumma saniatigut nalunaarummi nassuaatinut oqariartaatsit atorneqartut atuupput, aalisarnermut inatsimmi atuarneqarsinnaasut.

Imm. 3. Kalaallit Nunaata imartaani aalisarfinni aalisarnerit nalimmassarneqarput Aqutsiveqarfinni taakkua ilanngussaq 1-mi takuneqarsinnaapput.

Kapitali 2

Akuersissut aamma piumasaqaatit

§ 3. Inuussutissarsiutigalugu aalisarneq aamma inuussutissarsiutiginagu akuersissummik peqarnissamik piumasaqaatitaqarluni aalisarneq, taamaallaat Aalisarnermut Piniarnermullu Naalakkersuisumit tunniunneqarsimasumik akuersissummik peqarluni pisinnaavoq.

Imm. 2. Akuersissut ingerlatsisunut aalisarnermut inatsimmi kapitali 2-mi aalisarsinnaanermut piumasaqaatinik eqquutsitsisunut taamaallaat tunniunneqarsinnaavoq.

Imm. 3. Akuersissut ingerlataqartumut aalajangersimasumut ataatsimut tunniunneqartarpoq kiisalu aalisarnermut aalajangersimasumik ataatsimik arlalinnilluunniit angallateqartumut, taamaattoq § 10, imm. 4 takuuk.

Imm. 4 Akuersissummik pigisaqartoq akuersissummum naapertuuttumik angallammik aalisarnermut atorneqartumik piginnittuussaaq. Tamatumanili inatsimmi kapitali 7 naaperlugu attartornissamut isumaqatigiissutinut atuutinngilaq.

Imm. 5. Inuussutissarsiutigalugu aalisarnermi kiisalu inuussutissarsiutiginagu akuersissuteqarfiusuni aalisarnermi taamaallaat angallatit pillugit nassuiaammi ilaatinneqartut kisiisa atorlugit § 2, imm. 1, nr. 14 aalisartoqarsinnaavoq.

§ 4. Aalisarnermut Piniarnermullu Naalakkersuisoq akuersissummik tunniussinermini inatsimmi aalajangersagaareersut saniatigut piumasaqaatinik atugassarititaasunillu allanik aalajangersaasinnaavoq, matumani tunisisinnaatitaanermut aalajangersakkat ilanngullugit.

Imm. 2. Akuersissummik tunniussinermi piumasaqaatit atugassarititaasullu atuarneqarsinnaassapput.

§ 5. Aalisarnermut akuersissut tunniunneqartoq, paasissutissanik aalajangersarneqarsimasunik aalisarnermut inatsimmiittunnik minnerpaamik imaqtinnejqassaaq, matumani angallat aalisarnermut atorneqartussaq imaluunniit angallatit aalisarnermut atorneqartussat pillugit paasissutissat ilanngullugit.

§ 6. Angallammik 6 meter a.t.t-itut angitigisumik naannerusumilluunniit aalisarnermut akuersissut inuup nammineq pigisaraa aamma aalisarnermi pisallu tunineqarneranni akuersissummik pigisaqartoq peqataasassaaq.

§ 7. Aalisarnerup aallartinnissaa, nanginneqarnissaa ingerlateqqilernissaalu sioqqullugit akuersissummum tunngasunik allannguinerit tamakkerlutik Aalisarnermut Piniarnermullu Naalakkersuisumit akuerineqassapput, matumani piginnittuunermut tunngasut allannguutaat aamma akuersissummum attuumassuteqartut angallatinik tamanik taarsiinerit ilanngullugit.

§ 8. Ingerlatsisoq toqqaannartumik toqqaannanngitsumilluunniit pisassiissutinik niuerutigineqarsinnaasunik nammineq pigisanik aaqqissuussinermut ilaasoq, aaqqissuussinernut allanut ilaasuni, sinerissap qanittuani qaleralinniarnermut akuersisummik pissarsisinnaanngilaq. Ingerlatsisumut, kingusinnerusukkut pisassiissutit niuerutigineqarsinnaasut nammineq pigisat pillugit aaqqissuussinermut ilaalersumut aamma tamanna atuuppoq.

§ 9. Akuersisummik pigisaqartup akuersissut, § 3, imm. 1 malillugu taassumaluunniit nuutinnera, matumanu nuutinnera qarasaasiakkoortoq ilanngullugu, aalisarnerup nalaani angallammiitissavaa.

Kapitali 3 *Angallatinut piumasaqaatit*

§ 10. Angallat inuussutissarsiutigalugu aalisarnermi atorneqarniartoq atulinnginnerani Aalisarnermut Piniarnermullu Naalakkersuisumit tamatumunnga siunertamut akuerseqqaarsimassaaq.

Imm. 2. Imm. 1 naapertorlugu angallammik akuersisitsiniarluni qinnuteqaat allakkatigut qinnuteqartoqareerneratigut suliarineqassaaq.

Imm. 3. Angallatit taamaallaat akuerineqarsinnaapput:

- 1) piginnittuunermut pissutsit tamanna pillugu aalisarnermut inatsimmi aalajangersakkanut naapertuuppata,
- 2) angallat nalunaarsorneqarsimappat aamma umiarsualiup ilisarnaataanik ilisarnaaserneqarsimassaaq imaluunniit sukkulluunniit maleruagassat atuuttut malillugit nalunaarsuinermut normoqarpas aamma
- 3) aalisarnissamut periafissiissutaasunut angallatip aalisarsinnaassusia naleqqussagaasutut nalilerneqarsimappat.

Imm. 4. Aalisarnermut Piniarnermullu Naalakkersuisup akuersisummi nalunaarneqarsimasuminngarnit angallammik allamik atuisoqarnissaa akuerigallarsinnaavaa, motooriiarnerup, amutsivimmi qaqtiseqqanerup assingusumilluunniit pisup tamanna ajornartinngippagu aamma piumasaqaatit imm. 3, nr. 1-3-miittut imaluunniit kapitali 7 eqquutsinneqarpata.

Imm. 5. Naalagaaffimmut atassuteqarnermut allagartap uuttuutaanullu allagartap nuutinneri qinnuteqaammut kakkiunneqassapput, taamaattoq § 12 takuuk.

Imm. 6. Angallat tamatuma kingorna uuttortaqqinnejqarpas, motooria pingarneq taarserneqarpas allatulluunniit malunnaatilimmik allangortinneqarpas, uuttuutaanut allagartap tiguneraniit imm. 5 malillugu ullut 14-it qaangiutsinnagit uuttuutaa eqqortoq nutaaq nassiunneqassaaq.

§ 11. Angallatip piginnittua, § 10 malillugu, atia imaluunniit GR-normua tamatuma kingorna allanngorpat, naalagaaffimmut atassuteqarnermut allagartap tiguneqarneranit ullut 14-it qaangiutsinnagit naalagaaffimmut attuumassuteqarnermut allagartaq eqqortoq nutaaq

nassiunneqassaaq.

Imm. 2. Angallammik piginnittup akuersissutaani allannguut allanneqarsimatinnagu angallat aalisarnermut atoqusaassanngilaq, takuuk imm. 1.

§ 12. Angallat avataasiortoq imaluunnit sinerissamut qanittorsiqluni angallat allamit pigineqalerpat, pisinermut isumaqtigiiissut, pisisumit tunisisumillu atsiorneqarsimasoq uppernarsaataagallartutut akuerineqassaaq, naalagaaffimmut attuumassuteqarnera pillugu uppernarsaatip nutaap tunniunneqarnissaata tungaanut.

Kapitali 4

Akuersissutit suussusaat

Piffissamut killilikkamut akuersissut, amerlanerpaanik pisaqarnissamut akuersissutitalik

§ 13. Piffissamut killilikkamut akuersissut, matumani amerlanerpaanik pisaqarnissamut akuersissutitalik aamma pisassiissutit niuerutigineqarsinnaasut nammineq pigisat pillugit aaqqissuussinermut ilaangitsoq, § 15 naapertorlugu, tassaavoq inuussutissarsiutigalugu aalisarnermut tunngavissaatitaasoq:

- 1) angallatit 120 BT aamma 17 meterimit anginerusut atorlugit,
- 2) uiluinniarnermi, angallatit angissusiat apeqqutaatinnagu,
- 3) aalisarnikkut oqartussaaffiusuni, matumani nunat allat imaluunniit nunap immikkoortuini aalisarnermut suliniaqtigiiifiit aalisarnermik maleruagassiorissamut piginnaatitaaffigisaanni, Kalaallit Nunaanni angallatit nalunaarsorneqarsimasut atorlugit aamma
- 4) aalisariutit Kalaallit Nunaata aalisarnikkut oqartussaaffiiniittut imaluunniit nunat allamiut kalaallit akuersissutaataanik atuillutik Kalaallit Nunaata aalisarnikkut oqartussaaffiata avataaniittut.

Imm. 2. Piffissamut killilikkamut akuersissut, matumani amerlanerpaanik pisaqarnissamut akuersissummut attuumassuteqartoq, tassaavoq nunat tamalaat imartaanni maleruagassiorfigineqanngitsumi inuussutissarsiutigalugu aalisarnermut tunngavissaatitaasoq.

Imm. 3. Akuersissummik tunniussineq aallaaveqarpoq, aalisagaqtigiiit pillugit pisassiissutit aalajangersarneqartut naliliivigineqarnerat, qinnuteqartut akornanni piginnaasaqassuseq aamma tunniussinermut piumasaqaatit Naalakkersuisunit aalajangersarneqarsimasut, § 24 naapertorlugu.

Imm. 4. Akuersissut ukiut pisassiiffiusut ataasiakkaarlugit tunniunneqartarpoq. Pisuni ilisimatuussutsikkut siunnersuineq ukiunut pisassiiffiusunut arlaqartunut atuuttuugaangat, ilutigisaanillu pisarineqarsinnaasunik tamarmiusunik ukiunut arlalinnoortumik aalajangersaasoqaraangat, ukiunut pisassiiffiusunut arlalinnut atuuttumik akuersissummik tunniussisoqarsinnaavoq.

*Piffissamut killilikamut akuersissut, amerlanerpaanik pisaqarnissamut
akuersissutitaqanngitsoq*

§ 14. Piffissamut killeqartumut pisarineqarsinnaasut amerlanerpaaffilernagit (paggatassiissutinik aalisarneq) akuersissut, tassaavoq akuersissut aalisarnermut tunngaviusoq:

- 1) aalisagaqtiginnik inuussutissarsiutigalugu aalisarnermut, matumani pisassiissutit aalisarneqartut Kalaallit Nunaanni angallatit nalunaarsorneqarsimasut ataatsimoorussarisaat,
- 2) angallammik 6 meter a.t.t.-itut angitigisumik naannerusumilluunniit sinerissap qanittuani inuussutissarsiutigalugu aalisarnermut, taamaattoq § 13, imm. 1, nr. 3 aamma § 15, imm. 1, nr. 4 aamma 5 takukkit,
- 3) pisuni immikkullarissuni angallatinik Kalaallit Nunaanni nalunaarsorneqarsimasunik inuussutissarsiutigalugu aalisarneq, matumani ilisimatuussutsikkut siunnersuineq pisassiissutinik aalajangersaanissamut peqqutissaqartitsilinngippat aamma
- 4) Kalaallit Nunaata aalisarnermut oqartussaaffigisaani nunat allamiut angallataat atorlugit inuussutissarsiutigalugu aalisarneq.

Imm. 2. Imm. 1, nr. 1 aamma 2 naapertorlugit akuersissummik tunniussineq § 16 aamma § 18 tunngavigalugit pisassaaq.

Imm. 3. Akuersissummik tunniussineq, nunat tamalaat isumaqtigiiissutaat aallaavigalugit imm. 1, nr. 3 naapertorlugu pissaaq.

Imm. 4. Akuersissut ukiut ataasiakkaarlugit tunniunneqartassaaq. Pisuni ilisimatuussutsikkut siunnersuineq ukiunut pisassiiffiusunut arlaqartunut atuuttuugaangat, ilutigisaanillu pisarineqarsinnaasunik tamarmiusunik ukiunut arlalinoortumik aalajangersasoqaraangat, ukiunut pisassiiffiusunut arlalinnut atuuttumik akuersissummik tunniussisoqarsinnaavoq.

*Pisassiissutinik niuerutigineqarsinnaasunik nammineq pigisaqluni aalisarnermut
akuersissut (PNNP-mik aaqqissuussineq)*

§ 15. PNNP-mik aalisarnissamut akuersissuteqarnissaq aalisarnissamut piumasaqaataapput:

- 1) Kitaani Tunumilu raajarniarnermut, angallatip angissusia apeqqutaatinnagu
- 2) Kitaani Tunumilu avataani qaleralinniarnermut,
- 3) angallatit 6 meter a.t.t.-mit anginerusut atorlugit sinerissap qanittuani qaleralinniarnermut,
- 4) aqutsiveqarfik 47-mi angallammik 6 meter a.t.t.-tut angitigisumik naannerusumilluunniit qaleralinniarnermut, ingerlatsisoq pisassiissutinik niuerutigineqarsinnaasunik nammineq pigisanik aaqqissuussinermik atuisuuppat kiisalu
- 5) Kitaani saattuarniarnermut, angallatip angissusia apeqqutaatinnagu,

Imm. 2. Aqutsiveqarfimmi 47-mi sinerissap qanittuani qaleralinniarnermi, pisassiissutinik niuerutigineqarsinnaasunik nammineq pigisanik aaqqissuussinermut ilaassanerluni imaluunniit paggatassiissutinik aalisarnermut ilaaginnassanerluni ingerlatsisup toqqarsinnaavaa, § 14 naapertorlugu.

Imm. 3. Piginnittup pisassiissutinit pisassai akuersisummut allanneqassapput aamma ingerlatsisumut pisassiissutinit pisassaasa attuumassutillit ukiunut qulinoortumik amerlassuserisassaat allanneqassapput, taakku atuuttussaapput pisassiissutinit pisassat tunniunneqarsimasut pissarsiarinerat ilanngaataallu ilanngullugit.

Imm. 4. Pisassiissutinik niuerutigineqarsinnaasunik nammineq pigisanik atuilluni aalisarsinnaanermut akuersisummut attuumassutilimmik, ukiut tamaasa ukiup pisassiiffiusup aallartinnissa sioqqullugu ukiumoortumik pisassat pillugit nalunaarut, ukiumut pineqartumut amerlassutsimik nalunaarneqartumik aamma pigineqaratarsinnaasumik tunisassiorsinnaanermut akuersisummit kiisalu angallat atorneqartussaq pillugit paasissutissiinermik ilaqartoq tunniunneqassaaq.

Kapitali 5

Akuersisummit qinnuteqarneq

*Piffissamut killilikamut akuersissut, amerlanerpaanik pisaqarnissamut
akuersissutitaqanngitsoq*

§ 16. Akuersissut, § 14, imm. 1, nr. 1 aamma 2 naapertorlugu taamaallaat tunniunneqassaaq ingerlatsisunut, ukiup ullorsiuteqarfiusup siuliani akuersissutip assinganik peqarnikunut kiisalu ingerlatsisunut imm. 3 malillugu immikkut ittumik akuersisummit pissarsisimasunut imaluunniit § 18-im i piumasaqaatinik eqquutsitsisunut. Akuersisummit tunniussineq tunngavissinneqassaaq qinnuteqaammik, § 17 naapertorlugu.

Imm. 2. Akuersissut, § 14 naapertorlugit 1. december sioqqullugu atorneqalersimanngippat, ukiumi ullorsiuteqarfiusumi tullermi akuersisummit tunineqarnissamut pisinnaatitaaffik annaaneqassaaq.

Imm. 3. Qinnuteqartoq, imm. 1 naapertorlugu qinnuteqarsimannginnej peqqutigalugu imaluunniit imm. 2 naapertorlugu atuisimannginnej peqqutigalugu akuersisummit tunineqarnissamut pisinnaatitaaffimminik annaasaqarsimasoq, immikkut ittumik akuersisummit tunineqarnera Naalakkersuisut nalunaarutigisinhaavaat, tamanna makkuninnga peqquteqarpat:

- 1) qinikkatut suliaqarneq,
- 2) inuussutissarsiorfiit kattuffiini siulersuisuni sulineq,
- 3) ilinniarneq imaluunniit ilinniartunngungajalerneq,
- 4) umiiarneq,
- 5) amutsivimmiinneq,
- 6) sivitsortumik napparsimaneq,
- 7) q innuteqartup ilaqtutut qanignerpaasaani toqusoqarnera imaluunniit pinartorujussuarmik napparsimasoqarnera, imaluunniit
- 8) tunitsivissanik amigaateqarneq.

Imm. 4. Imm. 3 malillugu pisup pineqartup pisimaneranut peqqissaarussamik uppernarsaammik ilaqartumik qinnuteqaammik nassiuussisoqarpat, taamaallaat immikkut ittumik akuersisummit tunniussisoqarsinnaavoq.

§ 17. Angallammik 6 meter a.t.t.-tut angitigisumik naannerusumilluunniit sinerissap qanittuani aalisarnissamut akuersisummit qinnuteqaat, qinnuteqartup angerlarsimaffittut kommunianut tunniunneqassaaq. Qinnuteqartup qinnuteqarnermi immersugassaq siunertamut tassunga atugassaq www.sullissivik.gl-imi nassaarineqarsinnaasoq, atussavaa.

Imm. 2. Angallatit allat atorlugit angallammik 6 meter a.t.t.-tut angitigisumik naannerusumilluunniit anginerusut sinerissap qanittuani aalisarinnaanermut akuersisummit qinnuteqaat Aalisarnermut Piniarnermullu Naalakkersuisumut tunniunneqassaaq. Qinnuteqartup qinnuteqarnermi immersugassaq siunertamut tassunga atugassaq www.sullissivik.gl-imi nassaarineqarsinnaasoq, atussavaa.

§ 18. Ingerlataqartunut nutaanut akuersissutinik nalunaarutiginnitqassaaq, tassa ingerlataqartut § 16, imm. 1 aamma 2-mi piumasaqaatinik naammassinnismangitsut 18-ileereenikullu kiisalu aalisarneq pillugu inatsimmi aallartinnissamut piumasaqaatinik naammassinnissimasut. Sinerissap qanittuani qaleralinniarnissamut piffissamut killilikkamut akuersissut, amerlanerpaanik pisaqarnissamut akuersissutitaqanngitsoq, qinnuteqartunut 18-inik ukiulinniit 29-nik ukiullit ilanngullugit taamaallaat akuersissut tunniunneqarsinnaavoq, taamaattoq § 19 takuuq. Qinnuteqartup taakku saniatigut piumasaqaatit makku naammassisimassavai:

- 1) Imarsiornermi ilinniarnermik angusinikuuneq imaluunniit piginnaasat assinginik allatut iliorluni peqalernikuuneq aamma
- 2) aalisariummik kiisalu aalisarnermut atortunik, aalisarnermi atorneqartussanik pigisaqarneq.

Imm. 2. Assingusunik piginnaaneqarneq, imm. 1, nr. 1 naapertorlugu qinnuteqartup aalisarnikkut piginnaasai pillugit upternarsaasiisoqarsinnaavoq ukunaninngaanniit:

- 1) najugaqarfittut kommuni,
- 2) najukkami aalisarnermut piniarnermullu peqatigiiffik,
- 3) inuk aalisarnissamut akuersisummit pigisaqartoq, qinnuteqartullu aalisaqatigisimasaa, imaluunniit
- 4) maanna sulisitsisorisaq siusinnerusukkulluunniit sulisitsisuusimasoq.

Imm. 3. Qinnuteqartoq inuussutissarsiutigalugu piniarnermut akuersisummit imaluunniit inuussutissarsiutigalugu aalisarnermut akuersisummit peqarpat siornatigulluunniit peqarnikuuppat, tamanna piginnaasat assinginik qinnuteqartup piginnaasaqalernikuunera pillugu nalilersuinermut ilaassaaq imm. 1, nr. 1 malillugu.

Imm. 4. Naalakkersuisut akuersissutinik nutaanik tunniussisarneq unitsissinnaavaat, aalisarnermi pineqartumi pisuussuit aalisarsinnaassutsillu akornanni pissutsit tamanna pissutissaqartippassuk. Unitsitsineq tamanna nalunaarutigineqassaaq tamanut nalunaarummik Naalakkersuisut saqqummiussinerisigut.

§ 19. Qinnuteqartoq aalisariummi ukiuni 15-ini kingullerni sumiissusersiortutut aalisartutulluunniit ukiut tallimat sinnerlugit assingusumik suliffeqarsimasoq § 18, imm 1-im 29-nik ukioqarnissamik piumasaqaammut pinngitsuuisinnaavoq.

Imm. 2. Imm. 1-imi piumasaqaat akuersisummit qinnuteqarnermi atorfinitsinneqarsimanermut uppernarsaatnik nassiuussinikkut uppernarsarneqarsimassaaq.

§ 20. Allakkatigut qinnuteqarnerup kingorna § 16, imm. 1 naapertorlugu ukiup siuliani akuersisummit peqarsimanermut piumasaqaammit kiisalu Qaanaap eqqaani Tunumilu najugalinnut qinnuteqartunut, kiisalu piumasaqaatinit § 18, imm. 1-imeersunit, Aalisarnermut Piniarnermullu Naalakkersuisoq immikkut ittumik akuersisummit tunniussisinnaavoq.

§ 21. Aalisarnermut Piniarnermullu Naalakkersuisoq §§-it 18-20, malillugit nalilersuinermut atugassanik, qinnuteqartoq pillugu paasissutissanik pisariaqartumik ilassutaasussanik pissarsiniarsinnaavoq, ukunannga:

- 1) angerlarsimaffittut kommuni,
- 2) najukkami aalisartut piniartullu peqatigiiffiat aamma
- 3) qinnuteqartup sulisitsisorinikuusai.

§ 22. Naalakkersuisut aalisarnernut ataasiakkaanut piumasaqaatinik immikkut ittunik aalajangersaasinnaapput, taakku qinnuteqartut akuersisummit tunineqassagunik aamma eqquutsissavaat, kapitali 7 takuuk.

Piffissamut killilikamut amerlanerpaanik pisaqarnissamik ilaqtumut akuersisummit, avataasiorluni aalisarnermut akuersisummit tunniussineq

§ 23. Avataasiorluni aalisarsinnaanermut akuersisummit qinnuteqaat Aalisarnermut Piniarnermullu Naalakkersuisumut tunniunneqassaaq. Avataasiorluni aalisarsinnaanermut qinnuteqarnermi immersugassaq, sullissivik.gl-imi nassaarineqarsinnaasoq qinnuteqartut atussavaat.

Imm. 2. Ukumi ullorsiuteqarfiusumi tullermi aalisarsinnaanermut akuersisummit qinnuteqarneq, imm. 1 naapertorlugu, 1. november sioqqullugu Aalisarnermut Piniarnermullu Naalakkersuisumut apuunneqariissaq.

Imm. 3. Imm. 1-imi aalisarneq PNPNP-mut aaqqissuussinermut ilaanngilaq.

§ 24. Pisassiissutinik agguaneq, takuuk § 13, imm. 3, atugassarititat makku tunngavigalugit pissaaq:

- 1) Pisassiissutit agguanneqassapput umiarsuaatileqatigiiffinnut, ukiup siuliani pisassiissutinik peqarsimasunut aamma aalisagaqatigiinnut ataasiakkaanut pisarineqarsinnaasut tamarmiusunit umiarsuaatileqatigiiffiit ataasiakkaat pigisaannit aallaaveqartumik, tassami umiarsuaatigiiffiup pisassiissutinit pisarisinnaasai piviusut eqqarsaatigineqartussammata.
- 2) Agguassinerup kingorna pisassiissutit sinneqarsimappata, nr. 1 naapertorlugu, umiarsuaatileqatigiiffinnut pioreersunut imaluunniit Aalisarnermut Piniarnermullu Naalakkersuisumit naliliinerup kingorna umiarsuaatileqatigiiffimmut nutaamat pisassiissutit agguanneqarsinnaapput. Naliliinermi ilaatigut umiarsuaatileqatigiiffiit immikkut

pisassiissutinik pisariaqartitsisinnaanerat, aalisarnerup nunap ilaani ineriaartornera, umiarsuaatileqatigiiffiit aningaasaqarnikkut patajaatsuunissaannik qulakkeerinninnissaq mianerineqarsinnaapput, matuman iumiarsuaatileqatigiiffinnut nutaanut ukioq naallugu aningaasarsiorsinnaanikkut patajaassusilimmik aalisarnissaat kiisalu inuiaqatigiit aningaasaqarnikkut pitsaanerpaamik iluanaaruteqarnissaat ilangullugit.

Inuussutissarsiutiginagu sinerissap qanittuani aalisarsinnaanermut akuersissummik tunniussineq

§ 25. Naalakkersuisut inuussutissarsiutiginagu aalisartunut saarullinnik pisassiissutinik tunineqarsinnaasunik aalajangersaasinnaapput. Pisassiissutinit taakkuninnga aalisarnissaq, akuersissummik piumasaqaateqarpoq.

Imm. 2. Qinnuteqartut, imm. 1 naapertorlugu, saarullinnik tunisisarnissamut akuersissummik angerlarsimaffittut kommuniminut qinnuteqassapput.

Imm. 3. Qinnuteqartut, takuuk imm. 1, akuersissutip tunniunneqarnissaanut piumasaqaatit uku naamassisimavaat:

- 1) qinnuteqartoq inuussutissarsiutigalugu aalisartuussanngilaq, aamma
- 2) uppermarsaatit tamarmik erseqqissumik immersorneqassapput atuarneqarsinnaassallutilu.

Imm. 4. Imm. 2 malillugu akuersissut tunniussaq tunitsivimmi takutinneqassaaq,

Kapitali 6

Immikkut aalisarnerit ilai pillugit

Sinerissap qanittuani qaleralinniarneq

§ 26. Aalisarnermut Piniarnermullu Naalakkersuisoq sinerissap qanittuani qaleralinniarnermi akuersissutit ima ittunik tunniussisinnaavoq:

- 1) § 15 naapertorlugu aqutsiveqarfik 47-mi, aqutsiveqarfinnik Qeqertarsuup Tunuanik, Uummannamik Upernavimmillu ilaqaqtumi, PNNP-mik aaqqissuussineq aqqutigalugu aalisarnermut akuersissut.
- 2) § 14, naapertorlugu aqutsiveqarfik 47-mi aqutsiveqarfiillu sinnerini, paggatassiissutinik aalisarnermut akuersissut. Aalisarneq angallammik 6 meter a.t.t.-tut angitigisut naannerusulluunniit atorlugit taamaallaat pisinnaavoq.

Imm. 2. Aqutsiveqarfimmi 47-mi akuersissummik pigisaqartoq, tamatuma ilutigisaanut aqutsiveqarfinni allani qaleralinniarluni aalisarnissamut akuersissummik tunineqarsinnaanngilaq. Aqutsiveqarfiup 47-p avataaniittumi akuersissummik pigisaqartoq, tamatuma ilutigisaanik aqutsiveqarfimmi 47-mi qaleralinnik aalisarnissamut akuersissummik tunineqarsinnaanngilaq.

§ 27. Aqutsiveqarfimmi 47-mi qaleralinniarnissamut akuersissut Qeqertarsuup Tunuani, Uummannami Upernavimmilu (aqutsiveqarfiup iluaniittuni) atorneqarsinnaavoq.

Imm. 2. Aqutsiveqarfinnut imm. 1-imí taaneqanngitsunut akuersissut, sinerissap qanittuani aqutsiveqarfinni allani tamani atorneqarsinnaavoq, kisianni aqutsiveqarfik 47-miunngitsoq.

Imm. 3. Pisarineqarsinnaasut tamarmiusut ukiumi pineqartumi aqutsiveqarfimmi 47-mi tamakkerlugin aalisarneqarpata, aqutsiveqarfimmi tassani aalisarneq unitsinnejassaaq.

Ingerlatsisoq aqutsiveqarfiup immikkortuani allami, pisassiissutit tamakkerlutik aalisarneqarsimanngippata, aalisarsinnaassaaq.

Nipisaat

§ 28. Naalakkersuisut aqutsiveqarfinnut aqutsinissamut pilersaarutit aalajangersarneqartut malillugit nipiisanut pisassiissutit ukiut tamaasa aalajangersartarpaat.

Imm. 2. Ukiumi pisassiiffiusumi ataatsimi aqutsiveqarfinnut marlunnut akuersisummik qinnuteqartoqarsinnaavoq, qinnuteqartup angerlarsimaffeqarfigisaani aqutsiveqarfimmut aamma aqutsiveqarfimmut saniliusumut.

§ 29. Inuussutissarsiutigalugu nipiisanik arnarlunniq aalisarneq piffissami aalisarfigeqqusaasumi taamaallaat akuerisaavoq, Aalisarnermut Piniarnermullu Naalakkersuisumit aalajangersarneqartartoq.

§ 30. Aqutsiveqarfinnut ataasiakkaanut tamanut pisassiissutit pillugit nalunaarutit, Aalisarnermut Piniarnermullu Naalakkersuisumit tamanut nalunaarnikkut Naalakkersuisullu nittartagaat aqqutigalugit nalunaarutigineqartassapput. Taamatuttaaq pisassiissutit tamakkerlutik pisarineqarsimaleraangata tamanna nalunaarutigineqartassaaq.

Imm. 2. Aqutsiveqarfimmi aalisarnissamut piffissaliussap qaangiunnerata kingorna, pisassiissutit tamakkerlugin pisarineqarsimangikkaangata, Aalisarnermut Piniarnermullu Naalakkersuisup pisassiissutit pisarineqarsimanngitsut aqutsiveqarfimmut allamut nuussinnaavai.

Imm. 3. Aqutsiveqarfimmi pineqartumi nipianniarluni aalisarnerup aallartinnissaa kingusinnerpaamik sapaatip akunneranik sioqqullugu piffissat aalisarfiusussat Aalisarnermut Piniarnermullu Naalakkersuisup nalunaarutigissavai.

Kapisillit

§ 31. Inuussutissarsiutigalugu kapisilinnik aalisarneq akuersisummik piumasaqaatitaqarpoq, Aalisarnermut Piniarnermullu Naalakkersuisumut qinnuteqarnerup kingorna tunniunneqartartoq.

Imm. 2. Akuersissut, piumasaqaatinik tulliuttunik equuutsitsisunuinnaq qinnuteqartunut taamaallaat tunniunneqarsinnaavoq:

- 1) Qinnuteqartoq nammineerluni kapisilinnut qassutinik angallammillu pigisaqassaaq.
- 2) Qinnuteqartup kapisilinnut qassutinik qanoq amerlatigisunik peqarnini kiisalu qassutit ilusaat ilisarnaataaluunniit, qinnuteqaammut ilanngullugit ilisimatitsissutigissavai.

3) Ukiup siuliani aalisarfiusumi nalunaaruteqarnissamut piumasaqaatit sukkulluunniit atuuttut naapertorlugit, nalunaaruteqartussaataaneq qinnuteqartut ukiup siuliani aalisarfiusumi akuersisummik pigisaqarsimasut eqquutsissavaat.

§ 32. Inuit kapisilinnik inuussutissarsiutigalugu aalisarnissamut akuersisummik pigisallit kisimik, nalunaarutip immikkoortunut atuuffini kapisilinnik pisarineqarsimasunik tuniniaasinnaapput. Najukkami kalaalimineerniarfimmi najukkamilu suliffeqarfinnut taamaallaat kapisilinnik tuniniaasoqarsinnaavoq.

§ 33. Inuussutissarsiutigalugu aalisarnermut Naalakkersuisut ukiut tamaasa kalaallit kapisilittassaannik aalajangersaassapput kapisillit piujuartinnissaat amerliartornissaallu eqqarsaatigalugit nunat tamalaat akornanni isumaqatigiissutit isiginiarlugit.

Uiluit

§ 34. Aqutsiveqarfinnut ukununnga ukiut tamaasa pisassiissutinik Naalakkersuisut aalajangersaasarpus:

- 1) Nuuk.
- 2) Aqajarua (Mudderbugten).
- 3) Attu.
- 4) Sisimiut-Kujataa (Saqqaq).
- 5) Sisimiut-Avanna (Kangaarsuk).
- 6) Nassuttooq.

§ 35. Aalisarnermut Piniarnermullu Naalakkersuisoq, § 34-mi aalajangersarneqartutuut, aqutsiveqarfinni arfinilinni taakkunani uiluinniarluni inuussutissarsiutigalugu aalisarnermut akuersisummik tunniussisinnaavoq.

§ 36. Uiluinnut pisassiissutit § 24, malillugu agguardeqassapput, aqutsiveqarfinni sumiluunniit pisassagaluarpata.

§ 37. Angallatit uiluinnik aalisarnermi inuussutissarsiorluni akuersisummik pigisallit, angallatip angissusia apeqqutaatinngu, sinerissap killeqarfianit 3 somilip avataani imartallu avataani, aalisarsinnaapput.

Kapitali 7 *Angallatinik attartorneq*

§ 38. Umiarsuaatileqatigiit pisuni immikkut ittuni, § 10 imm. 3, soorlu umiianermi assingusuniluunniit, aalisarnermut inatsimmi §§ 36 imaluunniit 37 naapertorlugu inuussutissarsiutigalugu aalisarnerup ingerlannissaanut angallammik Kalaallit

Nunaanneersumik utaqqiisaasumik attartornissaq pillugu akuersisummit Aalisarnermut Piniarnermullu Naalakkersuisumut qinnuteqarsinnaapput.

Imm. 2. Qinnuteqartoq inuussutissarsiutigalugu aalisarnermik ingerlatsinissamut akuersisummit pigisaqartoq, imm. 1-imi pisut naapertorlugit, sivisunerpaamik qaammatini pingasuni piffissamut attartornissamut akuerineqarsinnaavoq. Pisut immikkut ittut qaammatinit pingasunit sivisuneruppata, qinnuteqaammik nutaamik qinnuteqassaaq.

Imm. 3. Qinnuteqaat makkunannga imaqassaaq:

- 1) qinnuteqaammut tunngavilersuut,
- 2) pisut immikkut ittut nassuaataat aamma
- 3) attartornermut isumaqatigiissut atsiugaq, oqartussaasut akuersissutaannik taamaallaat aallaaveqartoq, imm. 4 naapertorlugu.

Imm. 4. takuuuk Imm. 3, nr. 3 naapertorlugu isumaqatigiissummi taaneqassaaq:

- 1) illuatungiusoq attartortitsisoq aamma illuatungiusoq attartortoq,
- 2) angallatip pineqartup aqqa ilanngullugu, radiokkut ilisarnaataa aamma nammineq illoqarfingisap umiarsualiviata ilisarnaatitut normua,
- 3) akuersissutit kalluarneqartut aamma
- 4) piffissaq angallammik attartorfiusoq ullumik aallartitsiffimmik unitsitsiffimmillu ilaqartoq.

§ 39. Qinnuteqartoq inuussutissarsiutigalugu misileraalluni aalisarnissamut akuersisummit pigisaqartoq, Aalisarnermut Piniarnermullu Naalakkersuisumit akuerineqarnerup kingorna, inuussutissarsiutigalugu misileraalluni aalisarnermut periarfissiissutigineqartumi piffissami aalisarfissami, angallammik Kalaallit Nunaanneersumik attartorsinnaavoq.

Imm. 2. Attartornissamik isumaqatigiissutip nuutinnera qinnuteqartup nassiuressavaa uku ilanngullugit:

- 1) illuatungiusoq attartortitsisoq aamma illuatungiusoq attartortoq,
- 2) attartornissamik isumaqatigiissutip sivisussusia ullumik aallartiffimmik unitsitsiffimmillu ilaqartoq,
- 3) angallatip aqqa aamma siusinnerusukkut aqqa/aqqi,
- 4) angallatip piginnituata aqqa najugaalu,
- 5) angallatip nuna erfalasoqarfia kiisalu IMO-mi (nunat tamalaat imarsiornermi kattuffiata) normua aamma
- 6) angallatip naalagaaffimmut angerlarsimaffeqarneranut uppermarsaat, uuttuutinut allagartat kiisalu angallatip IMO-mi normumik peqarneranut uppermarsaat.

Imm. 3. Ulloq unitsitsiffissaq nalunaarutigisaq sioqqullugu attartornissamik isumaqatigiissutatorunnaarsinneqarpal, qinnuteqartup tamanna Aalisarnermut Piniarnermullu Naalakkersuisumut ingerlaannaq nalunaarutigissavaa.

§ 40. Qinnuteqartoq nunami suliffissuarmik ingerlasumik peqartoq, Aalisarnermut Piniarnermullu Naalakkersuisumit akuerineqarnerup kingorna, angallatit tunitsiviit pillugit nalunaarummi sukkuluunniit atuuttumi piumasaqaatit eqquutsinnerisigut, angallammik tunitsivittut utaqqiisaasumik atorneqarsinnaasumik angallammik attartorsinnaavoq.

Imm. 2. Akuersissut ingerlatsisup qinnuteqaammik, tulliuttunik paasissutissanik kakkiussiffiqeqartumik, nassiussinerata kingorna nalunaarutigineqassaaq:

- 1) Attartornissamik isumaqtigiissutip nuutinera, tassani allanneqassapput illuatungiusoq attartortitsisoq aamma illuatungiusoq attartortoq, attartornissamik isumaqtigiissutip sivisussusia ullumik aallartiffimmik unitsitsiffimmillu ilaqartoq, angallatip aqqa aamma siusinnerusukkut aqqa/aqqi, angallatip piginnituata aqqa najugaalu, angallatip nuna erfalasoqarfia kiisalu IMO-mi (nunat tamalaat imarsiornermi kattuffiata) normua qinnuteqartup nassiuutissavai.
- 2) Qinnuteqartup angallatip naalagaaffimmut angerlarsimaffeqarneranut uppermarsaatip nuutinera, uuttuutinut allagartat kiisalu angallatip uppermarsaataasa IMO-mi normuanik ilaqartoq nassiuutissavai.

Imm. 3. Ulloq unitsitsiffissaq nalunaarutigisaq sioqqullugu attartornissamik isumaqtigiissut atorunnaarsinneqarpat, qinnuteqartup tamanna Aalisarnermut Piniarnermullu Naalakkersuisumut ingerlaannaq nalunaarutigissavaa.

§ 41. Angallatip Kalaallit Nunaanneersup attartornissamut isumaqtigiissummik ataasiinnarmik isumaqtigiissuteqarsinnaavoq. Taamaammat angallat Kalaallit Nunaanneersoq attartornissamik isumaqtigiissutinut arlalinut attuumassutilimmik aalisarnermut ilaasinnaanngilaq imaluunniit piffissami pineqartumi tassani attartornissamik isumaqtigiissuteqarsinnaanani.

§ 42. Angallat attartornissamik isumaqtigiissummut ilaasoq, piffissami pineqartumi tassani akuersissutinut, akuersissummik pigisalinnut assigiinnitsunut, ilaasinnaanngilaq.

Imm. 2. Imm. 1 malillugu piffissami attartorfiusumi illuatungiusup attartortitsisup akuersissummit pigisaanit, angallat utaqqiisaasumik peerneqassaaq.

Imm. 3. Illuatungiusoq attartortitsisoq, piffissami attartortitsiffiusumi angallammik allamik attartoqquusaanngilaq.

§ 43. Angallatit attartorneqartut tamarmik, piffissap attartorfiusup aallartinnerani naammassineranilu, usisarfii imaqassanngillat.

§ 44. Aalisarnermut Piniarnermullu Naalakkersuisumit akuerineqarluni qinnuteqartoq inuussutissarsiutigalugu aalisarnermik imaluunniit inuussutissarsiutigalugu misileraalluni aalisarnermik ingerlatsinissamut angallammik nunami allameersumik attartorsinnaavoq. Akuersissut tunniunneqarsinnaavoq, angallatit Kalaallit Nunaanneersut piginnaasanik pisariaqartunik, atortunik pisariaqartunik imaluunniit teknologimik pisariaqartumik pigisaqanngikkaangata.

Imm. 2. Qinnuteqartup nassiuutissavai:

- 1) Attartornissamik isumaqtigiissutip nuutinera, tassani taaneqarsimassapput:
 - a) illuatungiusoq attartortitsisoq aamma illuatungiusoq attartortoq,
 - b) attartornissamik isumaqtigiissutip sivisussusia ullumik aallartiffimmik unitsitsiffimmillu ilaqartoq,

- c) angallatip aqqa aamma siusinnerusukkut aqqa/aqqi,
 - d) angallatip piginnituata aqqa najugaalu, aamma
 - e) angallatip nuna erfalasoqarfia kiisalu IMO-mi (nunat tamalaat imarsiornermi kattuffiata) normua.
- 2) angallatip naalagaaffimmut angerlarsimaffeqarneranut uppermarsaataata nuutinera, uuttuutinut allagartat kiisalu angallatip uppermarsaataa IMO normumik ilaqartoq.
- 3) uppermarsaatit makku pillugit, angallatip VMS-imik atortoqarnera kiisalu arlaannaatigulluunniit UNK pillugu allattuiffimmuinnginera, naalagaaffiup erfalasoqarfiusup aalisarnermut oqartussaatitaaniit attuumassuteqartumiit tamatuminnga uppermarsaammik qinnuteqartup pissarsineratigut.
- 4) uppermarsaatit makku, angallat naalagaaffimmut erfalasoqarfiusumut uku arlaannut ilaasortaaneranut tunngasut:
- a) Northwest Atlantic Fisheries Organization (NAFO),
 - b) North-east Atlantic Fisheries Commission (NEAFC) imaluunniit
 - c) nunap immikkoortuani fisheries management organisation (RFMO), Food and Agriculture Organization of the United Nations (FAO) Port State Measures Agreement (PSMA) pillugu isumaqatigiisummik atuutsitsisut kiisalu FAO-p International Plan of Action to Prevent, Deter and Eliminate Illegal, Unreported and Unregulated Fishing (IUU) isumaqatigiisutaanik atuutsitsisut qinnuteqartup naalagaaffiup erfalasoqarfiusup aalisarnermut oqartussaatitaaniit attuumassuteqartumiit pissarsiarissavai.

Imm. 3. Angallat ukiumi pisassiiffiusumi ingerlasumi akuersisummik atuilluni ingerlasoq, imm. 2-mi, nr. 3-4-miittut pineqanngilaq.

Imm. 4. Ulloq unitsitsiffissaq nalunaarutigisaq sioqqullugu attartornissamik isumaqatigiisut atorunnaarsinneqarpat, qinnuteqartup tamanna Aalisarnermut Piniarnermullu Naalakkersuisumut ingerlaannaq nalunaarutigissavaa.

§ 45. Kalaallit Nunaata aalisarnermut oqartussaaffigisaata avataani aalisarnermut, angallammik Kalaallit Nunaanneersumik nunat allaneersut attartornerat, Aalisarnermut Piniarnermullu Naalakkersuisumut qinnuteqarnerup kingorna taamaallaat akuerineqarsinnaavoq, piumasaqaatit tulliuttut atorlugit:

- 1) Imartami pineqartumi aalisarnermut isumaqatigiisummik tunngavissaqartoqarpat, aalisarnermut isumaqatigiisummi pingaarutilimmi tassani allatut aalajangersaasoqarsimanngippat, attartornermik isumaqatigiisummut ilaasumik angallatit aalisariutit Kalaallit Nunaanneersut aalisarsinnaanngillat.
- 2) Angallat Kalaallit Nunaanneersoq attartornermik isumaqatigiisummut ilaasoq, piffissami tassani akuersisummik Kalaallit Nunaanneersumik atuisinnaanngilaq. Angallat Kalaallit Nunaanneersoq piffissami attartorfiusumi illuatungiusup attartortitsisup akuersisummit pigisaanit, utaqqiisaasumik peerneqarallassaaq. Angallatit Kalaallit Nunaanneersut attartornissamik isumaqatigiisummut ilaasut pisarisaat, illuatungerisap attartortup nunagisaani aalisagartassatut pisassiissutinit ilanngaatigineqassapput.
- 3) Nunat allat imartaanni aalisagaqtigiinnik, RFMO-mit aqutsivigineqartunik, angallat Kalaallit Nunaanneersoq taamaallaat aalisarsinnaavoq, nuna pineqartoq isumaqatigiisummi

atsioqataasutut atsioqataanngitsutulluunniit RFMO-mi pingaarutilimmi illuatungerisatut suleqatigineqarpat.

§ 46. Angallammik attartornermut akuersissut, aalisarnermut inatsisip § 1-anik aallaaveqartumik nalunaarutigineqassaaq.

Imm. 2. Aalisarnermut Piniarnermullu Naalakkersuisoq angallammik attartornermut akuersissummik nalunaaruteqarnermut atatillugu matumani aalisarnermut inatsimmi anguniakkat anguneqarnissaat pitsaanerpaamik qulakkeerneqarnissaat siunertaralugu, atugassarititaasut pillugit aalajangersaasinnaavoq.

Kapitali 8

Aalisarnerup unitsinnera

§ 47. Pisassiissutit imaluunniit ukiumut pisassiissutit tamakkerlugit aalisarneqarpata imaluunniit piffissaq aalisarfiusussaq naappat, aalisarneq ingerlaannartumik unitsinnejeqassaaq aamma atortuutit tamarmik qaquinnejeqassapput.

Imm. 2. Angallatit Kalaallit Nunaanneersut ataatsimoorussamik pisassiissutinik aalisartut, piffissaq aalisarunnaarfik naappat, tamanut nalunaarutigineqassaaq tamatumani lu Naalakkersuisut nittartagaat aqqutigalugu aamma illuatungiusunut attuumassuteqartunut toqqaannartumik tamanna pillugu nalunaarfigineqassapput.

Imm. 3. Angallatit nunanit allaneersut Kalaallit Nunaata aalisarnermut oqartussaaffigisaani aalisartut tamarmik, piffissaq aalisarunnaarfissaq naappat, toqqaannartumik tamanna pillugu nalunaarfigineqassapput. Angallatinut EU-meersunut nalunaarutip taamaaqataa EU-Kommissionimut nassiuinneqassaaq. Angallatinut Kalaallit Nunaanneersuunngitsunut allanut nalunaarutip taamaaqataa, nunap pineqartup aalisarnermut oqartussaasuanut nassiuinneqassaaq.

Imm. 4. Ingerlatsisut § 14-imni aalisarnermut taaneqartumut peqataasut, imm. 1-mi piffissatut taaneqartumi pisanik pisiortornerit tuniniaanerillu tamaasa unitsissavaat.

Kapitali 9

Pineqaatissiissutit

§ 48. § 3, imm. 1 aamma imm. 4-5, §§ 6 aamma 7 § 9, § 10, imm. 1 aamma 6, imm. § 11, imm. 2 § 29, § 31, imm. 2, nr. 3, § 32 § 40, imm. 3, imm. § 41, § 42, imm. 1 aamma 3, § 43, § 44, imm. 4, § 45, nr. 1, nr. 2, oqaaseqatigiinni siulleq, aamma nr. 3, taamatullu § 47, imm. 1 aamma 4, naapertorlugit unioqqutitsineq Kalaallit Nunaanni Pinerluttulerineq pillugu Inatsimmi malittarisassat naapertorlugit akiliisitsinermik arsaarinninnermilluunniit pineqaatissiisoqarsinnaavoq.

Imm. 2. Malitassanik, peqqussutinik aalajangiernillu kiisalu atugassarititanik Naalakkersuisunit nalunaarummi uani § 4, imm. 1, § 22, § 38 imm. 1, § 39 imm. 1, § 40, imm. 1, § 44, imm. 1 kiisalu § 46, imm. 2-mik aalajangersakkanik unioqqutitsineq

sanioqqutaarinerilluunniit Kalaallit Nunaanni Pinerluttulerineq pillugu inatsimmi malittarisassat malillugit akiliisitsinermik pineqaatissiissutaasinnaapput.

Imm. 3. takuuuk Imm. 1 aamma imm. 2 naapertorlugit akiligassiissutit Kalaallit Nunaanni Pinerluttulerineq pillugu inatsimmi malittarisassat malillugit inatsisitigut akisussaasut akiligassinneqarsinnaapput.

Imm. 4. Imm. 1-3 malillugit suliad siullertut qullersamut Kalaallit Nunaanni Eqqartuussivimmuit suliassanngortinneqassapput.

Imm. 5. Akiliisitsinerit arsaarinninnerillu, imm. 1 aamma 2 malillugit aalajangersarneqartut, Nunatta Karsianut tutsinneqassapput.

Kapitali 10

Atuutilersitsinermut, atorunnaarsitsinermut ikaarsaariarnermilu aalajangersakkat

§ 49. Nalunaarut atuutilissaaq 1. apriliip 2025.

Imm. 2. Taamaattoq §10, imm. 3 nr. 2 aatsaat 1. januar 2026-miit atuutilissaaq.

Imm. 3. Imm. 1-ip peqatigisaanik atorunnaarsinneqarput:


- 1) Aalisarsinnaanermut akuersissutit pisassiissutillu pillugit Namminersorlutik Oqartussat nalunaarutaat nr. 74 28. november 2023-meersoq.
- 2) Kapisilinniarneq pillugu Namminersorlutik Oqartussat nalunaarutaat nr. 29, 28. juli 2022-meersoq.
- 3) Sinerissap qanituani qaleralinniarneq pillugu Namminersorlutik Oqartussat nalunaarutaat nr. 38, 19. december 2022-meersoq.
- 4) Saattuarniarneq pillugu Namminersorlutik Oqartussat nalunaarutaat nr. 1, 4. januar 2022-meersoq.
- 5) Nipisanniarneq pillugu Namminersorlutik Oqartussat nalunaarutaat nr. 8, 9. februar 2024-meersoq.
- 6) Uiluinniarneq pillugu Namminersorlutik Oqartussat nalunaarutaat nr. 2, 8. februar 2023-meersoq.

Namminersorlutik Oqartussat, ulloq 5. februari 2025



Kim Kielsen

Aalisarnermut Piniarnermullu Naalakkersuisoq



/ Emanuel Rosing